

28/08/2018

## STATUTI I SHOQERISE

“Center for Environmental Research (CER)” SH.P.K.

### KREU I

EMRI,OBJEKTI,KOHEZGJATJA,SELIA,ADRESA E FAQES SE INTERNETIT.

#### Neni 1

*Emri.*

1.1 Shoqeria tregtare private me përgjegjësi të kufizuar emërtohet “ **Center for Environmental Research (CER)” shpk** e cila më poshtë do të quhet shoqeria.

1.2 Shoqeria ka vulen dhe logon e saj.

#### Neni 2

*Objekti*

2.1 Objekti I veprimtarisë së shoqërisë në përputhje me legjislacionin shqiptarë do të jetë:

A- Vlerësimin e ndikimit në mjedis, monitorim mjedisor, ekspertizë mjedisore, auditimit mjedisor,monitorim dhe vlerësimi i zhurmes në mjedis, laboratorë mjedisorë, projekte dhe vlerësime në fushën akuakulturës dhe peshkimit.

B- Si dhe cdo aktivitet tjetër qe vecas ose me atë të përmendur më sipër do të konsiderohen të përshtatshme e me leverdi për zhvillimin e shoqërisë dhe që janë konform legjislacionit shqiptar.

#### Neni 3

*Kohëzgjatja*

3.1 Shoqeria do të zhvilloj aktivitetin e saj për një afat të pacaktuar.

#### Neni 4

*Selia,adresa e faqes ëe internetit dhe adresa elektronike*

4.1 Selia e shoqërisë është në Tiranë, Rruga “Muhamet Gjollësja”, P 2/3, Sh 2, K 3, Ap 7, Zona kadastrale 8260, Tirane.



- 4.2 Shoqëria mund të ndryshojë selinë e saj me vendim të ortakut të vetëm.
- 4.3 Shoqëria mund të hap ose të mbyll filiale, degë dhe /ose zyrë përfaqësimi në Shqipëri dhe jashtë saj.
- 4.4 Adresa e faqes së internetit është: d\_arapi@hotmail.com
- 4.5. Adresa e internetit për qëllime të komunikimeve elektronike është: d\_arapi@hotmail.com
- 4.6 Kjo shoqëri mund të ndryshojë emërtimin e saj, vendëqëndrimin, objektin e aktivitetit , të shtojë ortakë, të rrisë kapitalin sipas vendimeve të asamblesë së ortakëve.

## **KREU II**

### **KAPITALI**

#### **Neni 5**

##### **Kapitali themeltar.**

Kapitali themeltar fillestar I shoqërisë është 10,000 lekë.  
Pjesmarrja e themeluesve ne kapitalin e shoqërisë është ne perputhje me kontributin e tyre konkretisht:

Ortaku themelues Z. Dritan Arapi, zotëruar i nje kuote me vlere te pergjithshme 10,000 leke I cili zoteron 100% të kapitalit themeltar te shoqërisë.

Kontributi I ortakëve mund te jete ne para ose ne natyre.

#### **Neni 6**

*Zmadhimi dhe zvogëlimi I kapitalit.*

Ky kapital mund të ndryshohet me vendim të ortakut të vetëm të shoqërisë.

#### **Neni 7**

*Transferimi I kapitalit*

Kuotat janë lirish të transferueshme tek personat e tretë nëse ortakut I vetëm vendos për këtë.

## **KREU III**

### **ORGANET VENDIMARRESE DHE DREJTUESE.**

#### **Neni 8**

*Asambleja e përgjithshme e ortakëve.*

8.1 Të drejtat dhe detyrimet e Asamblesë së Përgjithshme ushtrohen nga ortakut I vetëm.



8.2 Të gjitha vendimet e marra nga ortaku I vetëm regjistrohen në një regjister të vendimeve , të dhënat e të cilit nuk mund të ndryshohen e të fshihen. Duke regjistruar në vecabit por pa u kufizuar vetëm në të, vendimet për:

- a) miratimin e pasqyrave financiare vjetore dhe raporteve të ecurisë së veprimtarisë.
- b) Shpërndarjen e fitimeve vjetore dhe mbulimin e humbjeve.
- c) investimet.
- d) vendimet për riorganizimin dhe prishjen e shoqërisë.

## **Neni 9**

*Mbledhja e asamblesë së përgjithshme.*

9.1. Asambleja e Përgjithshme, e përbërë nga ortaku I vetëm , mbledhet në rastet e përcaktuara në ligj, nga dispozitat e statutit dhe sa herë që mbledhja është e nevojshme për të mbrojtur interesat e shoqërisë.

Mbledhja e zakonshme e Asamblesë së Përgjithshme bëhet të paktën një herë në vit.

9.2. Mbledhja e Përgjithshme thirret nga Administratori ose ortaku I vetëm I shoqërisë.

## **Neni 10**

*Kuorumi*

Ne rastin e marrjes se vendimeve , qe kerkojne nje shumice te zakonshme , asambleja e pergjithshme mund te marre vendime te vlefshme vetem nese marrin pjese ortaket me te drejte vote , qe zoterojne me shume se 30% te kuotave.

Ne rastin kur asambleja e pergjithshme duhet te vendose per ceshtje , te cilat kerkojne shumice te kualifikuar , ajo mund te mare vendime te vlefshme vetem nese ortaket qe marrin pjese ne mbledhje zoterojne me shume se gjysmen e numrit total te votave .

## **Neni 11**

*Administratori.*

11.1. Asambleja e Përgjithshme, e përbërë nga ortaku i vetëm cakton si administrator Z. Dritan Arapi.

11.2. Administratori I shoqërisë caktohet me një afat 5 vjet me të drejtë ripërtritje. Emërimi I administratorit prodhon efekte pas regjistrimit në Qëndrën Kombëtare të Biznesit.

11.3. Administratori ka të drejtë dhe detyrohet të:

- a) Administratori ka të gjitha kompetencat për të vepruar me të tretët në emër të shoqërisë në interes të saj në të gjitha rrethanat me përjashtim të kompetencave që ligji dhe Statuti i shoqërisë ua jep shprehimisht ortakëve.
- b) Përfaqësojnë shoqërinë tregtare.
- c) Kujdeset për mbajtjen e saktë dhe të regullt të dokumentave dhe librave kontabel të shoqërisë.



d) Raporton para Asamblesë së Përgjithshme lidhur me zbatimin e politikave tregtare dhe realizimin e veprimeve të posacme me rëndësi të vecantë për veprimtarinë e shoqërisë tregtare,

e) Kryen detyra të tjera të caktuara me statut e me ligj.

#### **Neni 12.**

*Procesverbalet e mbledhjeve të administratorëve.*

12.1. Administratori kujdeset që të hapen libra të posacem e të mbahen procesverbale të:

a) të gjitha takimeve të kryera nga administrator,

b) të gjitha mbledhjeve të Asamblesë të Përgjithshme të përbërë nga ortaku I vetëm si dhe mbledhjet me administratorin.

### **KREU IV**

Viti financiar- ekspertët.

#### **Neni 13**

Viti financiar I shoqërisë fillon me 1 Janar dhe mbaron me 31 Dhjetor. Përrjashtimisht viti I parë fillon në datën e regjistrimit në QKB dhe mbaron me 31 Dhjetor.

### **KREU V**

DIVIDENTET DHE KALIMI I FITIMEVE NE KAPITALIN THEMELTAR

#### **Neni 14**

14.1. Ortaku I vetëm miraton llogaritë vjetore dhe evidenton ekzistencën e fitimit.

14.2. Ortaku I vetëm përcakton fitimin e vitit financiar pasi të jen zbritur më parë shumat për:

a) rezervën ligjore ose të percaktuar nga ortaku I vetëm I shoqërisë.

b) fonde të tjera të nevojshme.

14.3. Ortaku I vetëm përcakton dhe miraton dividendin.

#### **Neni 15**

*Kalimi I fitimeve në kapitalin themeltar.*



15.1. Me vendim Të ortakut të vetëm të shoqërisë, fitimet e pashpërndara , të cilat nuk do të përdoren për të paguar shuma të tjera të parashikuara për rezervat e kapitalit të shoqërisë, do të kalojnë në kapitalin e shoqërisë.

## **KREU VI**

### **PRISHJA- RIORGANIZIMI I SHOQERISE.**

#### **Neni 16**

*Prishja dhe likuidimi.*

16.1. Shoqëria priset me vendim të ortakut të vetëm ose për arsye të parashikuara me ligj.

16.2. Shoqëria hyn në procesin e likuidimit që në momentin që ortaku I vetëm merr vendimin për prishjen e saj dhe caktimin e një ose disa likuidatorëve të cilët përgatisin raportin mbi gjëndjen e aktivitetit dhe të pasivitetit të shoqërisë, me ndjekjen e operacioneve të likuidimit dhe mbi afatin e nevojshëm të përfundimit të tyre.

16.3. Në përfundim të procesit të likuidimit ortaku I vetëm miraton bilancin përfundimtar financiar dhe mbylljen e procesit të likuidimit.

16.4. Në përfundim të procesit të likuidimit pasi likuidimit të detyrimeve të kreditorëve , ortaku I vetëm mban pjesën e mbetur të kapitalit.

#### **Neni 17**

*Riorganizimi I shoqërisë, Bashkim –ndarja.*

Shoqëria mund të ndahet dhe bashkohet me vendim të ortakut të vetëm të saj në përputhje me dispozitat ligjore të parashikuara në ligjin “ Për Tregtarët e Shoqëritë Tregtare”

#### **Neni 18**

*Baza Ligjore*

Shoqëria do zhvillojë aktivitetin e saj në përputhje të plotë me këtë statut dhe me dispozitat e legjislacionit shqiptarë.

Përsa nuk parashikohet në këtë statut, do të zbatohen dispozitat e ligjit “ Për Tregtarët e Shoqëritë Tregtare” Kodit Civil si dhe çfarëdo ligji specifikë në Republikën e Shqipërisë.



## **Neni 19**

### *Mosmarveshjet*

Për mosmarveshjet që mund të lindin në lidhje me zbatimin ose interpretimin e këtij statuti, si dhe çdo mosmarveshje që mund të lind ndërmjet shoqërisë dhe të tretëve, do të jetë kompetente Gjykata e Rrethit Gjyqësor Tiranë.

Ortaku i Vetëm I shoqërisë

Dritan Arapi

*Dritan Arapi* 